

Na osnovu člana 72. Zakona o javnim nabavkama BiH („Službeni glasnik Bosne i Hercegovine“, broj: 39/14), te Odluke o izboru najpovoljnijeg ponuđača za rekonstrukciju mokrih čvorova i odvoda, broj: 07-1151/21 od 21.10.2021. godine, dana 2.11.2021. godine u Zelinji Donjoj je zaključen

**UGOVOR ZA REKONSTRUKCIJU MOKRIH ČVOROVA I ODVODA**  
**(Nabavka roba i izvođenje radova na rekonstrukciji mokrih čvorova i odvoda u objektu centralne škole**  
**JU OŠ „Musa Ćazim Ćatić“ Zelinja Donja)**

između ugovornih strana:

**1. Javna ustanova Osnovna škola "Musa Ćazim Ćatić" Zelinja Donja,**  
76259 ZELINJA DONJA  
ID broj: 4209183490002  
Telefon/fax: 035/829-800; 035/829-801, e-mail: [os.mcc.zd@gmail.com](mailto:os.mcc.zd@gmail.com)  
koju zastupa direktorica Ervada Sinanović, prof. (u daljem tekstu: Ugovorni organ) i

**2. "ASILT ING" d.o.o. , Sarajevska bb, sa sjedištem u Gradačcu ,** ID broj: 4209949080006 kojeg zastupa direktor Jasmin Beširović, kao izvođač radova (u daljem tekstu: Izvođač radova).

#### **I-OPĆA ODREDBA**

##### **Član 1.**

Ovaj ugovor se zaključuje na osnovu provedenog postupka javne nabavke putem konkurentskog zahtjeva uz objavu Objavještenja, za izbor najpovoljnijeg ponuđača nabavke roba i izvođenja radova na rekonstrukciji mokrih čvorova i odvoda u centralnoj školi, pokrenutog na osnovu Odluke o pokretanju postupka javne nabavke broj: 07-943/21 od 10.09.2021. godine, te na osnovu Odluke o izboru najpovoljnijeg ponuđača predmetnih roba i radova broj: 07-1151/21 od 21.10.2021. godine.

Ovim Ugovorom se utvrđuju predmet, cijena i rok za izvođenje naručenih radova, kao i međusobna prava i obaveze ugovornih strana pri izvršenju radova iz člana 2. ovog ugovora.

#### **II-PREDMET UGOVORA**

##### **Član 2.**

Predmet ovog Ugovora je **nabavka roba i izvođenje radova na rekonstrukciji mokrih čvorova i odvoda u centralnoj školi** - Javne ustanove Osnovna škola "Musa Ćazim Ćatić" Zelinja Donja, a sve po tehničkoj specifikaciji koja je sastavni dio tenderske dokumentacije, i Obrascu za cijenu ponude broj: 01-018/21 od 13.10.2021. godine, koji su sastavni dio ovog Ugovora.

Izvođač radova se obavezuje da izvede radove na rekonstrukciji mokrih čvorova i odvoda a za potrebe naručitelja posla, koji se nalazi u objektu centralne škole JU Osnovne škole „Musa Ćazim Ćatić“ Zelinja Donja, a sve u skladu sa predmjerom i predračunom rekonstrukcije mokrih čvorova i odvoda.

Izvođač radova preuzima obavezu da nabavi materijal i izvrši radove definisane tehničkom specifikacijom iz ove tenderske dokumentacije.

Dopremu materijala na mjesto izvođenja radova vršit će izvođač.

Izvođač je dužan da se stara o dopremljenom materijalu kao dobar privrednik.

#### **III- CIJENA I NAČIN PLAĆANJA**

##### **Član 3.**

Cijena nabavke roba i izvođenja radova navedenih u članu 2. ovog ugovora sa PDV-om iznosi ukupno 29.441,88 KM (slovima: dvadesetdevethiljadačetiristotinečetrestjedna i 88/100 KM). Plaćanje će biti izvršeno putem jedinstvenog računa trezora TK-a na transakcijski račun dobavljača sa ekonomskog koda 8216-rekonstrukcija i investiciono ulaganje.

#### **Član 4.**

Način plaćanja cijene iz člana 3. ovog ugovora izvršit će se na sljedeći način: jednokratna uplata nakon ispostavljenih faktura izvođača radova, a po obavljenom pregledu i prijemu izvedenih radova na osnovu okončane situacije.

Sve fakture i okončana situacija moraju biti ovjerene od nadzornog organa iz člana 12. ovog Ugovora.

### **IV- ROK ZA IZVOĐENJE RADOVA I GARANTNI ROK**

#### **Član 5.**

Rok za izvođenje radova koji su predmet ovog Ugovora iznosi 30 dana od dana uvođenja u posao.

#### **Član 6.**

Garantni rok za izvedene radove iz člana 2. ovog ugovora je 24 (dvadeset i četiri) mjeseca računajući od izvršenog pregleda i prijema izvedenih radova.

### **V-PRAVA I OBAVEZE UGOVORNIH STRANA I NADZORA**

#### **a) Prava i obaveze Ugovornog organa**

#### **Član 7.**

Ugovorni organ se obavezuje da će Izvođaču radova isplatiti ugovorenu cijenu iz člana 3. ovog Ugovora na način i u roku predviđenom u članu 4. ovog Ugovora.

#### **Član 8.**

U toku izvođenja radova Ugovorni organ će putem nadzornog organa vršiti nadzor nad radovima koji se izvode.

#### **Član 9.**

Ugovorni organ je obavezan da nakon završenih radova oformi zajedničku komisiju koja će izvršiti pregled i prijem izvedenih radova.

#### **b) Prava i obaveze Izvođača radova**

#### **Član 10.**

Izvođač radova se obavezuje da će radove, koji su predmet ovog Ugovora, izvršiti u skladu sa ugovorenom kvalitetom, Zakonom o prostornom uređenju i građenju i pravilima struke.

Izvođač radova je dužan nadzornom organu omogućiti uvid u obim i kvalitet izvršenih radova, te upisom u dnevnik pozvati ga da primi izvedene radove.

Kvalitet ugrađenog materijala i opreme Izvođač radova je dužan Ugovornom organu dokazati odgovarajućim atestom.

Izvođač radova je dužan imenovati voditelja gradnje.

#### **Član 11.**

Izvođač radova je obavezan o vlastitom trošku izvršiti otklanjanje svih nedostataka ili oštećenja koji su rezultat propusta od strane Izvođača radova uočenih tokom kontrole od strane nadzornog organa te propusta i nedostataka uočenih po prijemu objekta od strane komisije iz člana 9. ovog Ugovora.

Izvođač je obavezan o vlastitom trošku izvršiti otklanjanje svih nedostataka ili oštećenja, a koji su rezultat propusta napravljenih od strane izvođača nastalih u toku izvođenja radova uslijed nestručne izvedbe određenih pozicija radova, ugradnje nekvalitetnog materijala i ostali razlozi.

Izvođač radova je obavezan o vlastitom trošku izvršiti otklanjanje svih nedostataka ili oštećenja u toku garantnog roka, a koji su rezultat propusta od strane Izvođača radova.

Izvođač radova je dužan da se odazove na intervenciju odmah, a najkasnije u roku od sedam dana od dana preuzimanja pismenog poziva od strane Ugovornog organa.

### **c) Prava i obaveze nadzornog organa**

#### **Član 12.**

Nadzorni organ je dužan da kontroliše da li se radovi izvode prema propisima, standardima i odredbama Ugovora.

Nadzorni organ putem upisa u građevinski dnevnik daje Izvođaču radova potrebna tehnička uputstva i druge podatke neophodne za izvođenje radova.

Nadzorni organ je obavezan da kontroliše građevinsku knjigu, kao i sve eventualne promijenjene okolnosti u tehničkoj dokumentaciji.

### **VI-GRAĐEVINSKI DNEVNIK I GRAĐEVINSKA KNJIGA**

#### **Član 13.**

O izvršavanju radova vodi se građevinski dnevnik i građevinska knjiga.

#### **Član 14.**

Građevinski dnevnik Izvođač radova vodi svakodnevno, a nadzorni organ dnevnik potpisuje najkasnije u roku od 7 dana.

U građevinski dnevnik obavezno se upisuje početak i završetak pojedinih radova.

Sva odobrenja koja po ovom Ugovoru daje nadzorni organ upisuju se u građevinski dnevnik.

#### **Član 15.**

Građevinsku knjigu vodi Izvođač radova.

Izvršeni radovi unose se u građevinsku knjigu po završetku svake faze radova.

Građevinsku knjigu ovjerava nadzorni organ po izvršenju radova.

#### **Član 16.**

Građevinski dnevnik i građevinsku knjigu Izvođač radova je obavezan po završetku radova dostaviti Ugovornom organu.

### **VII- HITNI I NEPREDVIĐENI RADOVI**

#### **Član 17.**

Izvođač radova je dužan da po pismenom nalogu nadzornog organa izvrši i radove održavanja koji nisu sadržani u Ponudi, a kojima se otklanja neposredna opasnost po bezbjednost prolaznika.

Izvođač radova je dužan izvršiti radove iz prethodnog stava odmah po pojavi potrebe za istim i bez pismenog naloga nadzornog organa.

#### **Član 18.**

O postojanju potrebe za izvođenjem hitnih ili nepredviđenih radova ili o trajanju njihove realizacije izvođač radova je dužan u najkraćem roku, na odgovarajući način, obavijestiti nadzorni organ i dalje postupke uskladiti sa njegovim uputstvima i nalogima.

### **VIII- UGOVORNA KAZNA I NAKNADE ŠTETE**

#### **Član 19.**

Ako Izvođač radova zakasni sa izvođenjem radova ili sa predajom objekta dužan je da za svaki dan zakašnjenja plati Ugovornom organu ugovornu kaznu u iznosu od 1% od ukupne vrijednosti ugovorenih radova.

Ukupna visina ugovorne kazne, koju po osnovu iz prethodnog stava Izvođač radova plaća Ugovornom organu, može da iznosi najviše do 10% od ukupne ugovorene cijene radova.

Djelimično izvršenje ili predaja ugovorenih radova u predviđenom roku ne isključuje obavezu plaćanja ugovorne kazne.

#### **Član 20.**

Izvođač radova ne plaća ugovornu kaznu ako dokaže da nije kriv za zakašnjenje u izvođenju ili predaji izvedenih radova.

Izvođač radova će platiti samo dio ugovorne kazne koji je srazmjeran njegovoj krivici, ako dokaže da je samo djelimično kriv za zakašnjenje.

#### Član 21.

Ugovorna strana koja neurednim ispunjenjem ili neispunjenjem ugovorne obaveze prouzrokuje štetu drugoj ugovornoj strani, dužna je da štetu naknadi prema važećim propisima i pravnim pravilima.

#### Član 22.

Ako je Ugovorni organ zbog zakašnjenja Izvođača u izvođenju ili predaji izvedenih radova pretrpio štetu koja je veća od iznosa ugovorene kazne, može umjesto ugovorne kazne zahtijevati naknadu štete, odnosno pored ugovorne kazne može zahtijevati i razliku do punog iznosa pretrpljene štete.

Postojanje i iznos štete Ugovorni organ mora da dokaže.

### IX- PRELAZNE I ZAVRŠNE ODREDBE

#### Član 23.

Na sva pitanja koja nisu regulisana odredbama ovog ugovora primjenjivat će se odredbe Zakona o obligacionim odnosima, Zakona o prostornom uređenju i građenju TK, te drugi propisi relevantni za predmet ugovora.

#### Član 24.

U slučaju spora po odredbama ovog Ugovora, ugovorne strane će pokušati nastali spor riješiti sporazumno, a ukoliko u tome ne uspiju, nadležan je Općinski sud u Gradačcu.

#### Član 25.

Ovaj Ugovor je sačinjen u 6 (šest) istovjetnih primjeraka od kojih po 3 (tri) zadržava svaka ugovorna strana.

#### Član 26.

Ovaj Ugovor stupa na snagu danom obostranog potpisivanja, a primjenjuje se po isteku žalbenog perioda, odnosno od dana uvođenja Izvođača radova u posao.

Dan potpisivanja ovog Ugovora je kao na početku istog.

ZA IZVOĐAČA RADOVA  
„ASILT ING“ DOO, Gradačac

  
Jasmin Beširović, direktor



Broj: 01-219/21

Datum: 02.11.2021.



ZA UGOVORNI ORGAN  
JU OŠ „Musa Ćazim Ćatić“ Zelinja Donja

  
Ervada Sinanović, direktorica

Broj: 07-1182/21.

Datum: 2.11.2021. godine